

四庫全書

集部

欽定四庫全書

集部

唐詩品彙卷八

五至

詳校官檢討_臣德生

助教_臣常循覆勘

總校官進士_臣朱鈐

校對官編修_臣勵守謙

謄錄監生_臣慙意誠

欽定四庫全書

唐詩品彙卷五

明 高棟 編

五言古詩五

正宗 三

李白 中

贈盧司戶

秋色無遠近
出閨盡寒山
白雲遙相識
待我蒼梧間
借

問盧耽鶴西飛幾歲還

劉琨溪云起意極苦
然不復為慘塞者

贈秋浦柳少府

秋浦舊蕭索公庭人吏稀
因君樹桃李此地忽芳菲
搖筆望白雲開簾當翠微
時來引山月縱酒酣清暉
而我愛夫子淹留未忍歸

贈閭丘處士

賢人有素業乃在沙塘陂
竹影掃秋月荷花落古池
閒讀山海經散帙臥遙帷
且耽田家樂遂曠林中期
野酌

勸芳酒園蔬烹露葵如能樹桃李為我結茅茨

贈瑕丘王少府

皎皎鸞鳳姿飄飄神仙氣梅生亦何事來作南昌尉清
風佐鳴琴寂寞道為貴一見過所聞操持難與羣毫揮
魯邑訟目送瀛洲雲我隱屠釣下爾當玉石分無由接
高論空此仰清芬

嘲魯儒

魯叟談五經白髮死章句問以經濟策茫如墜煙霧足

著遠遊履首戴方山中緩步從直道未行先起塵秦家
丞相府不重褒衣人君非叔孫通與我本殊倫時事且
未達歸耕汶水濱

贈常侍御

安石在東山無心濟天下一起振橫流功成復瀟灑大
賢有卷舒季葉輕風雅匡復屬何人君為知音者傳聞
武安將氣振長平瓦燕趙期洗清周秦保宗社登朝若
有言為訪南遷賈

蕭云意謂常若登朝有言不妨及之或者如賈生之召

贈丹陽橫山周處士惟長

周子橫山隱，開門臨城隅。
連峰入戶牖，勝概凌方壺。
時枉白紵詞，放歌丹陽湖。
水色傲溟渤，川光秀菰蒲。
當其得意時，心與天壤俱。
閒雲隨舒卷，安識身有無。
抱石耻獻玉，沈泉笑探珠。
羽化如可作，相攜上清都。

以詩代書答元丹丘

青鳥海上來，今朝發何處。
口銜雲錦書，與我忽飛去。
鳥去凌紫煙，書留綺牕前。
開緘方一笑，乃是古人傳故人。

深相勗憶我勞心曲離居在咸陽三見秦草綠置書雙
袂間引領不暫閒長望杳難見浮雲橫遠山

贈何七判官昌浩

有時忽惆悵匡坐至夜分

劉云起意正同

平明空嘯咤思欲解

世紛心隨長風去吹散萬里雲羞作濟南生九十誦古

文

劉云自謂素志如此

不然拂劍起沙漠収奇勲老死阡陌間何

因揚清芬夫子今管樂英才冠三軍終與同出處豈將

沮溺羣

贈武十七諤

并序

門人武諤深於義者也質本沈悍慕要離之風潛
釣川海不數數於世事聞中原作難西來訪余余
愛子伯禽在魯許將冒胡兵以致之酒酣感激援
筆而贈

馬如一足練明日過吳門乃是要離客西來欲報恩笑
開燕匕首拂拭竟無言狄犬吠清洛天津成塞垣愛子
隔東魯空悲斷腸猿林田棄白壁千里阻同奔君為我

致之輕齋涉淮源精誠合天道不愧遠遊魂

蕭云輕齋涉淮囑之

辭也雖未保其必達亦盡吾父子之情而已萬一不幸魂其有知亦可無愧矣

贈裴司馬

翡翠黃金縷繡成歌舞衣若無雲間月誰可比光輝
秀色一如此多為衆女譏君恩移昔愛失寵秋風歸愁苦
不窺鄰泣上流黃機天寒素手冷夜長燭復微十日不
滿匹鬢蓬亂如絲猶是可憐人容華世中稀向君發皓
齒顧我莫相違

贈新平少年

韓信在淮陰少年相欺凌
屈體若無骨壯心有所憑
一遭龍顏君嘯咤從此興
千金答漂母萬古共嗟稱
而我竟何為寒苦坐相仍
長風入短袂兩手如懷冰
故友不相恤新交寧見矜
摧殘檻中虎羈紲韉上鷹
何時騰風雲搏擊申所能

五月東魯行答汶上君

五月梅始黃蠶凋桑柘空
魯人重織作機杼鳴簾櫳
顧

余不及仕學劍來山東舉鞭放前途獲笑汶上翁下愚
忽壯士未足論窮通我以一箭書能取聊城功終然不
受賞羞與時人同西歸去直道落日昏陰虹此去爾勿
言甘心如轉蓬

贈從兄襄陽少府皓

結髮未識事所交盡豪雄却秦不受賞擊晉寧為功

一本

此下有脫身白刃裏
殺人紅塵中非也

小節豈足言退歸春陵東歸來無

產業生事如轉蓬一朝烏裘敝百鎰黃金空彈劍徒激

昂出門悲路窮吾兄青雲士然諾聞諸公所以陳片言
片言貴情通棟華倘不接甘與秋草同

贈范金卿

君子枉青盼不知東走迷離家未幾月絡緯鳴中閨桃
李君不言攀花願成蹊那能吐芳信惠好相招攜我有
結綠珍久藏濁水泥時人棄此物乃與燕石齊撫拭欲
贈之申眉路無梯遠東慙白豕楚客羞山雞徒有獻芹
心終流泣玉啼祇應自索漠留古示山妻

讀諸葛武侯傳懷贈崔少府叔封昆季

漢道昔云季羣雄方戰爭霸圖各未立割據資豪英赤
伏起頽運卧龍得孔明當其南陽時隴畝躬自耕魚水
三顧合風雲四海生武侯立岷蜀壯志吞咸京何人先
見許但有崔州平余亦草間人頗懷拯物情晚途值子
玉華髮同衰榮託意在經濟結交為弟兄母令管與鮑
千載獨知名

贈別舍人弟臺卿之江南

去國客行遠還山秋夢長梧桐落金井一葉飛銀牀覺
罷攬明鏡鬢毛颯已霜良圖萎蔓草古貌成枯桑欲道
心下事時人疑夜光因為洞庭葉飄落之瀟湘令弟經
濟士謫居我何傷潛虬隱尺水著論談興亡客遇王子
喬口傳不死方入洞過天地登真朝玉皇吾將撫爾背
揮手遂翱翔

早秋贈裴十七仲堪

遠海動風色吹愁落天涯南星變大火熱氣餘丹霞光

景不可迴六龍轉天車荆人泣美玉魯叟悲匏瓜功業
若夢裏撫琴發長嗟裴生信英邁崛起多才華歷抵海
岱豪結交魯朱家復攜兩少妾艷色驚荷花雙歌入青
雲但惜白日斜窮溟出寶貝大澤饒龍蛇明主倘見收
煙霄路非賒時命若不會歸應煉丹砂

贈崔司戶文昆季

雙珠出海底俱是連城珍明月兩特達餘輝傍照人英
聲振名都高價動殊鄰豈伊箕山故特以風期親惟昔

不自媒擔簦西入秦攀龍九天上忝列歲星臣布衣侍
丹墀密勿草絲綸才微惠渥重讒巧生緇磷一去已十
年今來復盈旬清霜入曉鬢白露生衣巾側見綠水亭
開門列華茵千金散義士四坐無凡賓欲折月中桂持
為寒者薪路傍已竊笑天路將何因垂恩儻丘山報德
有微身

酬崔五郎中

朔雲橫高天萬里起秋色壯士心飛揚落日空歎息長

嘯出原野凜然寒風生幸遭聖明時功業猶未成奈何
懷良圖鬱悵獨愁坐杖策尋英豪立談乃知我崔公生
民秀緬邈青雲姿制作參造化託諷含神祇海嶽尚可
傾吐諾終不移是時霜飈寒逸興臨華池起舞拂長劍
四坐皆揚眉因得窮懽情贈我以新詩又結汗漫期九
垓遠相待舉身憩蓬壺濯足弄滄海從此凌倒景一去
無時還朝遊明光宮暮入閭闔闔但得長把袂何必嵩

丘山

贈清漳明府姪聿

我李百萬葉柯條布中州天開青雲器日為蒼生憂小
邑且割雞大刀佇烹牛雷聲動四境惠與清漳流絃歌
詠唐堯脫落隱簪組心和得天真風俗猶太古牛羊散
阡陌夜寢不扃戶問此何以然賢人宰吾土舉邑樹桃
李垂陰亦流芬河堤繞綠水桑柘連青雲趙女不治容
提籠晝成羣綠絲鳴機杼百里聲相聞訟息鳥下階高
卧披道帙蒲鞭掛簷枝示耻無撲扶琴清月當戶人寂

風入室長嘯無一言陶然上皇逸白玉壺冰水壺中見
底清清光同毫髮皎潔照羣情趙北美嘉政燕南播高
名過客覽行謠因之頌德聲

經亂後將避地剡中留贈崔宣城

雙鵝飛洛陽五馬渡江徼何意上東門胡雛更長嘯中
原走豺虎烈火焚宗廟太白晝經天潁陽掩餘照王城
皆蕩覆世路成奔峭四海望長安顰眉寡西笑蒼生疑
落葉白骨空相弔連兵似雪山破敵誰能料我垂北溟

翼且學南山豹崔子賢主人歡娛每相召胡牀紫玉笛
却坐青雲叫楊花滿州城置酒同臨眺忽思剡溪去水
石遠清妙雪盡天地明風開湖山貌悶為洛生詠醉發
吳越調赤霞動金光日足森海嶠獨散萬古意閒垂一
溪釣猿近天上啼人移月邊棹無以墨綬苦來求丹砂
要華髮長折腰將貽陶公誚

沙丘城下寄杜甫

我來竟何事高卧沙丘城城邊有古樹日夕連秋聲魯

酒不可醉齊歌空復情思君若汶水浩蕩寄南征

寄當途趙少府炎

晚登高樓望木落雙江清寒山旣積翠秀色連州城目
送楚雲盡心悲胡鴈聲相思不可見迴首古人情

望終南山寄紫閣隱者

出門見南山引領意無限秀色難為名蒼翠日在眼有
時白雲起天際自舒卷心中與之然託興每不淺何當
造幽人滅跡棲絕巘

獨酌清溪江石上寄權昭夷

我攜一尊酒獨上江阻石自從天地開更長幾千尺舉
杯向天笑天迴日西照永賴坐此石長垂嚴陵釣寄謝
山中人可與爾同調

下潯陽城汎彭蠡寄黃判官

浪動灌嬰井潯陽江上風開帆入天鏡直向彭湖東落
景轉疎雨晴雲散遠空名山發佳興清賞亦何窮石鏡
掛遙月杳爐滅彩虹相思俱對此舉目與君同

宿白鷺洲寄楊江寧

朝別朱雀門暮棲白鷺洲波光搖海月星影入城樓望
美金陵宰如思瓊樹憂徒令魂入夢翻覺夜成秋綠水
解人意為余西北流因聲玉琴裏蕩漾寄君愁

夕霽杜陵登樓寄韋繇

浮雲滅霽景萬物生秋容登樓送遠目伏檻觀羣峰原
野曠超緬關河紛雜重清輝映竹日翠色明雲松蹈海
寄遐想還山迷舊蹤徒然迫晚暮未果詣心胃結桂空

佇立折麻恨莫從思君達永夜長樂聞疎鐘

月夜江行寄崔員外宗之

飄飄江風起蕭颯海樹秋登艫美清夜挂席移輕舟月
隨碧山轉水含青天流杳如星河上但覺雲林幽歸路
方浩浩徂川去悠悠徒悲蕙草歇復聽菱歌愁岸曲迷
後浦沙明瞰前洲懷君不可見望遠增離憂

秋夜宿龍門香山寺奉寄王方城十七丈奉國
營上人從弟幼成令問

朝發汝海東暮棲龍門中水寒夕波急木落秋山空望
極九霄迴賞幽萬壑通目浩沙上月心清松下風玉斗
橫網戶銀河耿花宮興在趣方逸歡餘情未終鳳駕憶
王子虎溪懷遠公桂枝坐消歇棣華不復同流恨寄伊
水盈盈焉可窮

北山獨酌寄韋六

巢父將許由未聞買山隱道存跡自高何憚去人近紛
吾下茲嶺地閒喧亦泯門橫羣岫開水鑿衆泉引屏高

而在雲竇深莫能準川光晝昏凝林氣夕淒緊於焉摘
朱果兼得養玄化坐月觀寶書拂霜弄瑤軫傾壺事幽
酌顧影還獨盡念君風塵遊傲爾令自哂

江上寄元六林宗

霜落江始寒楓葉綠未脫客路悲清秋永路苦不達滄
波眇川汜白日隱天末停棹依林巒驚猿相叫聒夜分
河漢轉起視溟漲濶涼風何蕭蕭流水鳴活活浦沙淨
如洗海月明可掇蘭交空懷思瓊樹詎解渴勗哉滄洲

心歲晚庶不奪幽賞頗自得興遠與誰豁

遊敬亭寄崔侍御

我家敬亭下輒繼謝公作相去數百年風期宛如昨登
高素秋月下望青山郭俯視鴛鴦羣飲啄自鳴躍夫子
雖蹭蹬瑤臺雪中鶴獨立窺浮雲其心在寥廓時來顧
我笑一飯葵與藿世路如秋風相逢盡蕭索腰間玉貝
劍意許無遺諾壯士不可輕相期在雲閣

安陸白兆山桃花岫寄劉侍御綰

雲卧三十年好閒復愛仙蓬壺雖冥絕鸞鶴心悠然歸
來桃花岳得憩雲牕眠對嶺人共語飲潭猿相連時昇
翠微上邈若羅浮巔兩岑抱東壑一嶂橫西天樹雜日
易隱崖傾月難圓芳草換野色飛蘿搖春煙入遠搆石
室選幽開山田獨此林下意杳無區中緣永辭霜臺客
千載方來旋

淮陰書懷寄王宗城

沙墩至梁苑二十五長亭大舶夾雙艣中流驚鷗鳴雲

天掃空碧川嶽涵餘清飛鳧從西來適與佳興并春言
王喬烏姽嬭故人情復此親懿會而增交道榮沿泗且
不定飄忽悵徂征暝投淮陰宿欣得漂母迎斗酒烹黃
雞一餐感素誠予為楚壯士不是魯諸生有德必報之
千金耻為輕緬書羈孤意遠寄棹歌聲

寄東魯二子

在金陵作

吳地桑葉綠吳蠶已三眠我家寄東魯誰種龜陰田春
事已不及江行復茫然南風吹歸心飛墮酒樓前樓東

一株桃枝葉拂青煙此樹我所種別來向三年桃今與
樓齊我行尚未旋嬌女字平陽折花倚桃邊折花不見
我淚下如流泉小兒名伯禽與姊亦齊肩雙行桃樹下
撫背復誰憐念此失次第肝腸日憂煎裂素寫遠意因
之汶陽川

范德機云天下喪亂骨肉離散此北征入門號咷以下意也然彼合此離彼有哭其死此

則憐其生彼兼時事此乃
單詠要其憂思之正者也

聞丹丘子於城北營石門幽居中有高鳳遺跡
僕離羣遠懷亦有棲遁之志因叙舊以寄之

春華滄江月秋色碧海雲離居盈寒暑對此長思君思
君楚水南望君淮山北夢魂雖飛來會面不可得疇昔
在嵩陽同衾卧羲皇綠蘿笑簪紱丹壑賤巖廊晚途各
分析乘興任所適僕在鴈門關君為蛾眉客心懸萬里
外影滯兩鄉隔長劍復歸來相逢洛陽陌陌上何喧喧
都令心意煩迷津覺路失託勢隨風翻以茲謝朝列長
嘯歸故園故園恣閒逸求古散縹帙久欲入名山婚娶
殊未畢人生信多故世事豈唯一念此憂如焚悵然若

有失聞君卧石門宿昔契彌敦方從桂樹隱不羨桃花
源高風起遐曠幽人跡復存松風清瑤瑟溪月湛芳樽
安居偶佳賞丹心期此論

送張舍人之江東

張翰江東去正值秋風時天清一鴈遠海濶孤帆遲白
日行欲暮滄波杳難期吳洲如見月千里幸相思

魯郡東石門送杜甫

醉別復幾日登臨徧池臺何時石門路重有金樽開秋

波落泗水海色明徂徠飛蓬各自遠且盡手中杯

送裴十八圖南歸嵩山

君思潁水綠忽復歸嵩岑歸時莫洗耳為我洗其心洗心得真情洗耳徒買名謝公終一起相與濟蒼生

江夏送友人

雪點翠雲裘送君黃鶴樓黃鶴振玉羽西飛帝王州鳳無琅玕實何以贈遠遊徘徊相顧影淚下漢江流

送郝昂謫巴中

瑤草寒不死移植滄江濱東風灑雨露會入天地春
若洞庭葉隨波送逐臣思歸未可得書此謝情人

送楊山人歸嵩山

我有萬古宅嵩陽玉女峯長留一片月挂在東溪松

劉云

超然天地間可以不
死豈獨不經人道哉

爾去掇仙草菖蒲花紫茸歲晚或

相訪青天騎白龍

余鄉送韋八之西京

客自長安來還歸長安去狂風吹我心西挂咸陽樹此

情不可道此別何時遇望望不見君連山起煙霧

劉云同是

瞻望不及之意能者自然

同王昌齡送族弟襄歸桂陽

秦地見碧草楚謠對清樽把酒爾何思鷓鴣啼南園余欲羅浮隱猶懷明主恩躊躇紫宮戀孤負滄洲言終然

無心雲海上同飛翻相期乃不淺幽桂有芳根

蕭云此詩非一

飯不忘君者乎

五松山送殷淑

秀色發江左風流奈若何仲文了不還獨立揚清波載
酒五松山頽然白雲歌中天度落月萬里遙相過撫酒
惜此月流光畏蹉跎明日別離去連峯鬱嵯峨

劉云此其淺易

者意亦灑然

送崔氏昆季之金陵

放歌倚東樓行子期曉發秋風度江來吹落山上月主
人出美酒滅燭延清光二崔向金陵安得不盡觴水客
弄歸棹雲帆卷輕霜扁舟敬亭下五兩先飄揚峽石入

水花碧流日更長思君無歲月西眺阻河梁

送韓準裴政孔巢父還山

獵客張兔豕不能挂龍虎所以青雲人高歌在巖戶韓
生信英彥裴子含清真孔侯復秀出俱與雲霞親峻節
凌遠松同衾卧磐石斧冰嗽寒泉三子同二屐時時或
乘興往往雲無心出山揖牧伯長嘯輕衣簪昨霄夢裏
還云弄竹溪月今晨魯東門悵飲與君別雪崖滑去馬
蘿逕迷歸人相思若煙草歷亂無冬春

對雪奉餞任城六父秩滿歸京

龍虎謝鞭策鵷鸞不司晨君看海上鶴何似籠中鶻獨
用天地心浮雲乃吾身雖將簪組狎若與煙霞親季父
有英風白眉超常倫一官即夢寐脫屣歸西秦竇公敞
華筵墨客盡來臻燕歌落湖鴈郢曲回陽春征馬百度
嘶遊車動行塵躊躇未忍去戀此四座人餞離駐高駕
惜別空慙懃何時竹林下更與步兵鄰

送趙判官赴黔府中丞叔幕

廓落青雲心結交黃金盡富貴翻相忘令人忽自哂
踏蹬鬢毛斑盛時難再還巨源咄石生何事馬啼間
綠蘿長不厭却欲還東山君為魯曾子拜揖高堂裏
叔繼趙平原偏承明主恩風霜惟獨坐旌節鎮雄藩
虎士秉金鉞蛾眉開玉樽才高幕下去義重林中言
水宿五溪月霜啼三峽猿東風春草綠江上候歸軒

送魯郡劉長史遷弘農長史

魯國一杯水難容橫海鱗仲尼且不敬況乃尋常人白

玉換斗粟黃金買尺薪閉門木葉下始覺秋非春聞君
向西遷地即鼎湖鄰寶鏡匣蒼蘚丹經埋素塵軒后上
天時攀龍遺小臣及此留惠愛庶幾風化淳魯縞如白
煙五緜不成束臨行贈貧交一尺重山岳相國齊晏子
贈行不及言託陰當樹李忘憂當樹萱他日見張祿綈
袍懷舊恩

送楊少府赴選

大國置衡鏡準平天地心羣賢無邪人朗鑑窮情深吾

君詠南風袞冕彈鳴琴時泰多美士京國會纓簪山苗
落磧底幽松出高岑夫子有盛才主司得球琳流水非
鄭曲前行遇知音衣工剪綺繡一悞傷千金何惜刀尺
餘不裁寒女衾我非彈冠者感別但開襟空谷無白駒
賢人宣悲吟大道安棄物時來或招尋爾見山吏部當
應無陸沈

送薛九被讒去魯

宋人不辨玉魯賤東家丘我笑薛夫子胡為兩地遊黃

金銷衆口白璧竟難投梧桐生蒺藜綠竹之佳實鳳凰
宿誰家送與羣雞匹田家養老馬窮士歸其門蛾眉笑
璧者賓客去平原却斬美人首三千還駿奔毛公一挺
劍趙楚兩相存孟嘗悅狡兔三窟賴馮諼信陵奪兵符
為用侯生言春申一何愚刎首為李園賢哉四公子撫
掌黃泉裏借問笑何人笑人不好士爾去且勿誼桃李
竟何言沙丘無漂母誰肯飯王孫

別魯頌

誰道泰山高下却魯連節誰云秦軍衆推却魯連舌獨

立天地間清風灑蘭雪

劉云收得意象高迥自切事情

夫子還惆悵攻

文繼前烈錯落石上松無為秋霜折贈言鏤寶刀千歲

庶不減

劉云古意選語

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與晴空宜魯
酒白玉壺送行駐金羈歇鞍憩古木解帶挂橫枝歌鼓
川上亭曲度神飈吹雲歸碧海夕鴈沒青天時相失各

萬里茫然空爾思

贈別王山人歸布山

王子析道論微言破秋毫還歸布山隱興入雲天高爾
去安可遜瑤草恐衰歇我心亦懷歸屢夢松上月一作衣
傲然遂獨往長嘯開巖扉林壑久已蕪石道生薔薇願
言弄笙鶴歲晚來相依

留別賈舍人至二首

秋風吹胡霜凋此簷下芳折芳怨歲晚離別悽以傷謬

攀青瑣賢延我於此堂君為長沙客我獨之夜郎勸此
一杯酒豈惟道路長割珠兩分贈寸心久不忘何必兒
女仁相看淚成行

大梁白雲起飄飄來南洲裴徊蒼梧野十見羅浮秋
鰲挾山海傾四溟揚洪流意欲托孤鳳從之摩天遊鳳
苦道路難翱翔還昆丘不肯銜我去哀鳴慙不留遠客
謝主人明珠難暗投拂拭倚天劍西登岳陽樓長嘯萬
里風掃清霄中憂誰念劉越石化為繞指柔

留別金陵諸公

海水昔飛動三龍分戰爭鍾山危波瀾傾側駭奔鯨黃
旗一掃蕩割壤開吳京六代更霸王遺跡見都城至今
秦淮間禮樂秀羣英地扇鄒魯學詩騰顏謝名五月金
陵西祖余白下亭欲尋廬峰頂先遠漢水行香爐紫煙
滅瀑布落太清若攀星辰去揮手緬含情

將遊衡岳過漢陽雙松亭留別族弟浮屠談皓
秦欺趙氏壁却入邯鄲宮本是楚家玉還來荆山中丹

彩瀉滄溟清暉淩白虹青蠅一相點流落此時同卓絕
道門秀談玄乃支公延蘿結幽居剪竹繞芳叢涼花拂
戶牖天籟鳴虛空憶我初來時蒲桃開景風今茲大火
落秋葉黃梧桐水色夢沅湘長沙去何窮寄書訪衡嶠
但與南飛鴻

留別廣陵諸公

一作留別
邯鄲故人

憶昔作少年結交趙與燕金羈絡駿馬錦帶橫流泉寸
心無疑事所向非徒然晚節覺此疎獵精草太玄空名

東壯士薄俗棄高賢中廻聖明顧揮翰凌雲煙騎虎不
敢下攀龍忽墮天還家守清真孤潔勵秋蟬煉丹費火
石採藥窮山川卧海不關人租稅遼東山乘興忽復起
棹歌溪中船臨醉謝葛強山公欲倒鞭狂歌自此別垂
釣滄浪前

唐詩品彙卷五

欽定四庫全書

唐詩品彙卷六

明 高棟 編

五言古詩六

正宗 四

李白 下

尋山僧不遇作 金陵

石徑入丹壑松門閉青苔閒堦有鳥跡禪室無人開窺

牕見白拂桂壁生塵埃使我空歎息欲去仍裴徊香雲
徧山起花雨從天來已有空樂好况聞清猿哀了然絕
世事此地方悠哉

下終南山過斛斯山人宿置酒

暮從碧山下山月隨人歸却顧所來徑蒼蒼橫翠微相
攜及田家童稚開荆扉綠竹入幽徑青蘿拂行衣歡言
得所憩美酒聊共揮長歌吟松風曲盡河星稀我醉君
復樂陶然共忘機

過汪氏別業

遊山誰可棲，子明興浮丘。
疊嶺礙河漢，連峰橫斗牛。
汪生面北阜，池館清且幽。
我來感意氣，槌魚列珍羞。
掃石待歸月，開池漲寒流。
酒酣益爽氣，為樂不知秋。

晉志宣城郡隆

陽縣乃仙人陵陽
寶子明所居也

安州般若寺水閣納涼喜遇薛員外

脩然金園賞，遠近合晴光。
樓臺成海氣，草木皆天香。
忽逢青雲士，共解丹霞裳。
水退池上熱，風生松下涼。
吞討

破萬象褰窺臨衆芳而我遺有漏與君用無方心垢都已滅永言題禪房

尋高鳳石門山中元丹丘

尋幽無前期乘興不覺遠蒼崖渺難涉白日忽欲晚
未窮三四山已歷千萬轉寂寂聞猿愁行行見雲收高松
來好月空谷宜清秋谿深古雪在石斷寒泉流峰巒秀
中天登眺不可盡丹丘遙相呼顧我忽而哂遂造窮谷
間始知靜者閒留歡達永夜清曉方言還

金陵江上遇蓬池隱者

心愛名山遊身隨名山遠羅浮麻姑臺此去或未返遇
君蓬池隱就我石上飯空言不成歡強笑惜日晚綠水
向鴈門黃雲蔽龍山歎息兩客鳥裴徊吳越間共語一
執手留連夜將久解我紫綺裘且換金陵酒酒來笑復
歌興酣樂事多水影弄月色清光奈愁何明晨掛帆席
離恨滿滄波

尋魯城北范居士失道

落蒼耳中見范
置酒摘蒼耳作

鴈度秋色遠日靜無雲時客心不自得浩漫將何之忽
憶范野人閒園養幽姿茫然起逸興但恐行來遲城壕
失往路馬首迷荒陂不惜翠雲裘遂為蒼耳欺入門且
一笑把臂君為誰酒客愛秋蔬山盤薦霜梨他筵不下
筋此席忘朝饑酸棗垂北郭寒瓜蔓東籬還傾四五酌
自詠猛虎詞近作十日歡遠為千載期風流自簸蕩誰
浪偏相宜酣來上馬去却笑高陽池

遊南陽清冷泉

惜彼落日暮愛此寒泉清西輝逐流水蕩漾遊子情空
歌望雲月曲盡長松聲

遊秋浦白筍陂

白筍夜長嘯爽然谿谷寒魚龍動陂水處處生波瀾天
借一明月飛來碧雲端故鄉不可見腸斷正西看

登新平樓

去國登茲樓懷歸傷暮秋天長落日遠水淨寒波流秦
雲起嶺樹胡鴈飛沙洲蒼蒼幾萬里目極令人愁

挂席江上待月有懷

待月月未出望江江自流倏忽城西郭青天懸玉鉤素
華雖可攬清景不同遊耿耿金波裏空瞻鵲鵲樓

漢書注鵲

鵲觀在雲陽
甘泉宮也

大庭庫

朝登大庭庫雲物何蒼然莫辨陳鄭火空羆邠魯煙我
來尋梓慎觀化入寥天古木朔氣多松風如五紘帝圖
終冥沒歎息滿山川

杜預左傳注大庭氏古國名在魯
城內魯於其庭作庫登高以望氣

昭公十八年五月宋衛陳鄭火裨慎登大
庭庫望之曰宋衛陳鄭也數日皆來告火

與從姪杭州刺史良遊天竺寺

桂席凌蓬丘觀濤憩樟樓三山動逸興五馬同遨遊天
竺森在眼松風颯驚秋覽雲測變化弄水窮清幽疊嶂
隔遙海當軒寫歸流轉成傲雲月佳趣滿吳洲

登巴陵開元寺西閣贈衡岳僧方外

衡嶽有闡士五峰秀真骨見君萬里心海水照秋月大
臣南溟去問道皆請謁洒以甘露言清涼潤肌髮明湖

落天鏡香閣凌銀闕登眺餐惠風新花期啓發

登單父陶少府半月臺

陶公有逸興不與常人俱築臺像半月迴向高城隅置
酒望白雲商飈起寒梧秋山入遠海桑柘羅平蕪水色
淥且明令人思鏡湖終當過江去愛此暫踟躕

登太白峰

西上太白峰夕陽窮登攀太白與我語為我開天門願
乘冷風去直出浮雲間舉手可近月前行若無山一別

武功去何時復見還

同友人舟行遊台越作

楚臣傷江楓謝客拾海月懷沙去瀟湘挂席汎溟渤蹇
予訪前跡獨往造窮髮古人不可攀去若浮雲沒願言
弄倒景從此鍊真骨華頂窺絕溟蓬壺望超忽不知青
春度但怪綠芳歇空持釣鰲心從此謝魏闕

遊謝氏山亭

淪老臥江海再歡天地清病閒久寂寞歲物徒芬榮借

君西池遊聊以散我情掃雪松下去捫蘿石道行謝公
池塘上春草颿已生花枝拂人來山鳥向我鳴田家有
美酒落日與之傾醉罷弄歸月遙欣稚子迎

憶襄陽舊遊贈馬少府巨

昔為大堤客曾上山公樓開牕碧嶂滿拂鏡滄江流高
冠佩雄劍長揖韓荊州此地別夫子今來思舊遊朱顏
君未老白髮我先秋壯志恐蹉跎功名若雲浮歸心結
遠夢落日懸春愁空思羊叔子墮淚峴山頭

金陵鳳凰臺置酒

置酒延落景金陵鳳凰臺長波謝萬古心與雲俱開借
問往昔時鳳凰為誰來鳳凰去已久正當今日圓明君
越羲軒天老坐三台豪士無所用彈絃醉金罍東風吹
山花安可不盡杯六帝沒幽草深宮冥綠苔置酒勿復
道歌鐘但相催

九日登巴陵置酒望洞庭水軍

時賊逼
華容縣

九日天氣清登高無秋雲造化闢川岳了然楚漢分長

風鼓橫波合沓，戲龍文憶昔傳遊。預樓船壯橫汾，今茲
討鯨鯢，旌旗何續紛。白羽落酒尊，洞庭羅三軍。黃花不
假手，戰鼓遙相聞。劍舞轉顏陽，當時日停曛。酣歌激壯
士，可以摧妖氛。齷齪東籬下，淵明不足羣。

秋登巴陵望洞庭

清晨登巴陵，周覽無不極。明湖映天光，徹底見秋色。秋
色何蒼然，際海俱澄鮮。山青滅遠樹，水綠無寒煙。來帆
出江中，去鳥向日邊。風清長沙浦，霜空雲夢田。瞻光惜

顏髮閱水悲徂年北渚既蕩漾東流自潺湲郢人唱白雪越女歌採蓮聽此更斷腸憑厓淚如泉

與周剛清溪玉鏡潭宴別

潭在秋浦桃樹陂下余新名此潭

康樂上官去永嘉遊石門江中有孤嶼千載跡猶存我來想秋浦三入桃陂源千峰照積雪萬壑盡啼猿興與謝公合文因周子論掃厓去落葉席月開清尊溪當大樓南溪水正南奔迴作玉鏡潭澄明洗心魂此中得佳境可以絕囂喧清夜方歸來酣歌出平原別後經此地

為余謝蘭孫

望廬山瀑布水

西登香爐峰南見瀑布水挂流三百丈噴壑數十里歟
如飛電來隱若白虹起初驚河漢落半灑雲天裏仰觀
勢轉雄壯哉造化功海風吹不斷江月照還空

劉云奇俊不復

可空中亂灑射左右洗青壁飛珠散輕霞流沫沸穹石
而我樂名山對之心益閒無論漱瓊液還得洗塵顏且
諧宿所好永願辭人間

遊太山五首

四月上太山石屏御道開六龍過萬壑澗谷隨縈迴馬
跡遠碧峰于今滿青苔飛流灑絕巘水急松聲哀北眺
崑嶂奇傾崖向東推洞門閉石扇地底興雲雷登高望
蓬瀛想像金銀臺天門一長嘯萬里清風來玉女四五
人飄飄下九垓含笑引素手遺我流霞杯稽首再拜之
自愧非仙才曠然小宇宙棄世何悠哉

清曉騎白鹿直上天門山山際逢羽人方瞳好容顏們

蘿欲就語却掩青雲關遺我鳥跡書飄然落巖間其字
乃上古讀之了不閑感此三歎息從師方未還

平明登日觀舉手開雲關精神四飛揚如出天地間黃
河從西來窈窕入遠山憑崖攬八極目盡長空閒偶然
值青童綠髮雙雲鬟咲我晚學仙蹉跎凋朱顏躊躇忽
不見浩蕩難追攀

清齋三千日裂素寫道經吟誦有所得衆神衛我形雲
行信長風颭若羽翼生攀崖上日觀伏檻窺東溟海色

動遠山天雞已先鳴銀臺出倒景白浪翻長鯨安得不
死藥高飛向蓬瀛

日觀東北傾兩崖夾雙石海水落眼前天光搖空碧千
峰爭攢聚萬壑絕凌歷緬彼鶴上仙去無雲中跡長松
入霄漢遠望不盈尺山花異人間五月雪中白終當遇
安期於此鍊玉液

陪族叔當塗宰遊化城寺升公清風亭

化城若化出金榜天宮開疑是海上雲飛空結樓臺升

公湖山秀粲然有辨才濟人不利已立俗無嫌猜了見
水中月青蓮出塵埃閒居清風亭左右清風來當暑陰
廣殿太陽為裴徊茗酌待幽客珍盤薦彫梅飛文何洒
落萬象為之摧李父擁鳴琴德聲布雲雷雖遊道林室
亦舉陶潛杯清樂動諸天長松自吟哀留歡若可盡劫
石乃成灰

春陪商州裴使君遊石城溪

時欲東遊
遂有此贈

裴公有仙標拔俗數千丈澹蕩滄洲雲飄飄紫霞想剖

竹商洛間政成心已閒
蕭條出世表冥寂閉玄關
我來屬芳節解榻時相悅
褰帷對雲峰揚袂指松雪
暫出東城邊遂遊西巖前
橫天聳翠壁噴壑鳴紅泉
尋幽殊未歇愛此春光發
溪傍饒名花石上有好月
命駕歸去來露華生翠苔
淹留惜將晚復聽清猿哀
清猿斷人腸遊子思故鄉
明發首東路此歡焉可忘

登梅岡望金陵贈族姪高座寺僧中孚

鍾山抱金陵霸氣昔騰發
天開帝王居海色照宮闕
羣

峰如逐鹿奔走相馳突江水九道来雲端遙明沒時遷
大運去龍虎勢休歇我来屬天清登覽窮楚越吾宗從
禪伯特秀鸞鳳骨衆星羅青天明者獨有月冥居順生
理草木不剪伐煙牕引薔薇石壁老野蕨吳風謝安屐
白足傲履襪幾宿一下山蕭然忘干謁談經演金偈降
鶴舞海雪時聞天香来了與世事絕佳遊不可得春風
惜遠別賦詩留巖屏千載庶不滅

登金陵冶城西北謝安墩

此墩即晉太傅謝安與右軍王羲之同登

超然有高士之志余將
營園其上故作是詩也

晉室昔橫潰永嘉遂南奔沙塵何茫茫龍虎闔朝昏胡
馬風漢草天驕盛中原哲匠感顏運雲鵬忽飛翻組練
照楚國旌旗連海門西秦百萬衆戈甲如雲屯投鞭可
填江一掃不足論皇運有返正醜虜無遺魂談笑遏橫
流蒼生望斯存治城訪古跡猶有謝安墩憑覽周地險
高標絕人喧想像東山姿緬懷右軍言梧桐識嘉樹蕙
草留芳根白鷺映春洲青龍見朝瞰地古雲物在臺傾

永泰繁我來酌清波於此樹名園功成拂衣去歸入武陵源

宿五松山下荀媪家

我宿五松下寂寥無所歡田家秋作苦鄰女夜春寒
踈我進彫胡飯月光明素盤令人慙漂母三謝不能餐

宿巫山下

昨夜巫山下猿聲夢裏長桃花飛綠水三月下瞿塘
雨色風吹去南行拂楚王高丘懷宋玉訪古一霑裳

上三峽

巫山夾青天，巴水流若茲。巴水忽可盡，青山無到時。三朝上黃牛，三暮行太遲。三朝又三暮，不覺鬢成絲。

江行寄遠

剡木出吳楚，危樯百餘尺。疾風吹片帆，日暮千里隔。別時酒猶在，已為異鄉客。思君不可覩，愁見江水碧。

之廣陵宿常二南郭幽居

綠水接柴門，有如桃花源。忘憂或假草，滿院羅叢萱。暝

色湖上來微雨飛南軒故人宿茅宇夕鳥棲楊園還惜
詩酒別深為江海言明朝廣陵道獨憶此傾樽

郢門秋懷

郢門一為客巴月三成弦朔風正搖落行子愁歸旋杳
杳山外日茫茫江上天人迷洞庭水鴈度瀟湘煙清曠
諧宿好緇磷及此年百齡何蕩漾萬化相推遷空謁蒼
梧帝徒尋溟海仙已聞蓬海淺豈見三桃園倚劍增浩
歎捫襟還自憐終當遊五湖濯足滄浪泉

自巴東舟行經瞿塘峽登巫山最高峰晚還題
壁

江行幾千里海月十五圓始經瞿塘峽遂步巫山巔巫
山高不窮巴國盡所歷日邊攀垂蘿霞外倚穹石飛步
凌絕頂極目無纖煙却顧失丹壑仰觀臨青天青天若
可捫銀漢去安在望雲知蒼梧記水辨瀛海周遊孤光
晚歷覽幽意多積雪照空谷悲風鳴森柯歸途行欲曛
佳趣尚未歇江寒早啼猿松暝已吐月月色何悠悠清

猿響啾啾辭山不忍聽揮策還孤舟

蘇武

蘇武在匈奴十年持漢節白鴈上林飛空傳一書札牧
羊邊地苦落日歸心絕渴飲月窟水飢餐天上雪東還
沙塞遠北愴河梁別泣把李陵衣相看淚成血

經下邳圯橋懷張子房

子房未虎嘯破產不為家滄海得壯士椎秦博浪沙報
韓雖不成天地皆振動潛匿避下邳豈曰非智勇我來

圮橋上懷古欽英風唯見碧流水曾無黃石公歎息此
人去蕭條徐泗空

望鸚鵡洲懷禰衡

魏帝營八極蟻觀一禰衡黃祖斗臂人殺之受惡名吳
江賦鸚鵡落筆超羣英鏘鏘振金玉句句欲飛鳴鸛鶚
咏孤鳳千春傷我情五岳起方寸隱然詎可平才高竟
何施寡識冒天刑至今芳洲上蘭蕙不忍生

商山四皓

白髮四老人昂藏南山側偃蹇松雪間冥翳不可識雲
牕拂青靄石壁橫翠色龍虎方戰爭於焉自休息秦人
失金鏡漢祖昇紫極陰虹濁太陽前星遂淪匿一行佐
明聖倏起生羽翼功成身不居舒卷在胷臆窅冥合元
化茫昧信難測飛聲塞天衢萬古仰遺跡

劉云首尾無
俗意一似古

題

春思

燕草如碧絲秦桑低綠枝當君懷歸日是妾斷腸時春

風不相識何事入羅幃

劉云平易近情自有天趣蕭云燕草如絲興征夫懷歸秦桑低

枝興思婦斷腸未意貞潔非外物所能動此詩可謂得詩人不淫不諱之體矣

寓言

長安春色歸先入青門道綠楊不自持從風欲傾倒
海燕還秦宮雙飛入簾櫳相思不相見托夢遼城東

侍酒不至

玉壺繫青絲沽酒來何遲山花向我笑正好銜杯時
晚酌東山下流鶯復在茲春風與醉客今日乃相宜

望月有感

清泉映疎松不知幾千古寒月搖清波流光入牕戶對
此空長吟思君意何深無因見安道興盡愁人心

落日憶山中

雨後煙景綠晴天散餘霞東風隨春歸發我枝上花花
落時欲暮見此令人嗟願遊名山去學道飛丹砂

對酒憶賀監

狂客歸四明山陰道士迎勅賜鏡湖水為君臺沼榮人

亡餘故宅空有荷花生念此杳如夢淒然傷我情

感興四首

瑤姬天帝女精彩化朝雲宛轉入宵夢無心向楚君錦
衾抱秋月綺席空蘭芬茫昧竟誰測虛傳宋玉文

十五遊神仙遊未曾歇吹笙吟松風汎席窺海月西
山玉童子使我煉金骨欲逐黃鶴飛相呼向蓬闕

蕭云此篇

喻賢者相招
以求祿仕者

西國有美女結樓青雲端蛾眉艷曉月一笑傾城歡高

節不可奪炯心如凝丹常恐彩色晚不為人所觀安得

配君子共乘雙飛鸞

蕭云此篇喻賢者不輕去就復恐老之將至於時無聞思見君子事

之以共
祿位也

洛浦有宓妃飄飄雪爭飛輕雲拂素月了可見清輝解
珮欲西去含情詎相違香塵動羅襪綠水不沾衣陳王
徒作賦神女豈同歸好色傷大雅多為世所譏

廬山東林寺夜懷

我尋青蓮宇獨往謝城闕霜清東林鐘水白虎谿月天

香生虛空天樂鳴不歇宴坐寂不動大千八毫髮湛然
冥真心曠劫斷出沒

春日獨酌二首

東風扇淑氣水木榮春暉白日照綠草落花散且飛孤
雲還空山衆鳥各已歸彼物皆有托吾生獨無依對此
石上月長醉歌芳菲

我有紫霞想緬懷滄洲間思對一壺酒澹然萬事閒橫
琴倚高松把酒望遠山長空去鳥沒落日孤雲還但恐

光景晚宿昔成秋顏

獨酌

春草如有意羅生玉堂陰東風吹愁來白髮坐相侵獨
酌歡孤影閒歌面芳林長松爾何知蕭瑟為誰吟手舞
石上月膝橫花間琴過此一壺外悠悠非我心

春日醉起言志

處世若大夢胡為勞其生所以終日醉頽然臥前楹覺
來盼庭前一鳥花間鳴借問此何時春風語流鶯感之

欲歎息對酒還自傾浩歌待明月曲盡已忘情

劉云流展酣暢

欲勝淵明者以其尤易也詩皆如此何以沉著為哉范云諸五言皆有晉宋間風而此更超然

月下獨酌四首

花間一壺酒獨酌無相親舉杯邀明月對影成三人

劉云

古無此奇月既不解飲影徒隨我身暫伴月將影行樂須及

春我歌月裴徊我舞影凌亂醒時同交歡醉後各分散

永結無情遊相期邈雲漢

劉云凡情俗態終以此安得不為改觀

天若不愛酒酒星不在天地若不愛酒地應無酒泉天

地既愛酒愛酒不愧天已聞清比聖復道濁如賢聖賢
既已飲何必求神仙三杯通大道一斗合自然但得酒
中趣勿為醒者傳

劉云纏綿散朗漸入真趣言語之悟入如此

三月咸陽城十花晝如錦誰能春獨愁對此徑須飲窮
通興脩短造化風所稟一樽齊死生萬事固難審醉後
失天地兀然就孤枕不知有吾身此樂最為甚

窮愁千萬端美酒三百杯愁多酒雖少酒傾愁不來所
以知酒聖酒酣心自開辭粟臥首陽屢空甌頗同當代

不樂飲虛名安用哉
蟬蛸即金液糟丘是蓬萊
且須飲美酒乘月醉高臺

日夕山中忽然有懷

久臥青山雲遂為青山客
山深雲更好賞弄終日夕
月銜樓間峰泉漱階下石
素心自此得真趣非外惜
艸啼桂方秋風滅籟歸寂
緬思洪崖術欲往滄海隅
雲車來何遲撫已空歎息

尋陽紫極宮感秋作

何處聞秋聲
脩脩北牕竹
迴薄萬古心
攬之不盈掬
靜坐觀衆妙
浩然媚幽獨
白雲南山來
就我簷下宿
嬾從唐生決
羞訪李主卜
四十九年非
一往不可復
野情轉蕭散
世道有翻覆
陶令歸去來
田家酒應熟

劉云其自
然不可及

矣東坡和此有
餘終涉擬議

秋夕書懷

一作秋日
南遊書懷

北風吹海鴈
南渡落寒聲
感此瀟湘客
淒其流浪情
海懷結滄洲
霞想遊赤城
始探蓬壺事
旋覺天地輕
澹然

吟高秋閉臥瞻太清蘿月掩空幕松霜結前楹滅見息

羣動獵微窮至精桃花有源水可以保吾生

蕭云此詩太白謫逐

之詩作月能以仙海自解可謂素患難而善處者矣

與元丹丘方城寺談玄作

茫茫大夢中惟我獨先覺騰轉風火來假合作容貌滅
除昏疑盡領畧入精要澄慮觀此身因得通寂照朗悟
前後際始知金仙妙幸逢禪居人酌玉坐相召彼我俱
若喪雲山豈殊調清風入虛空明月見談笑怡然青蓮

宮水願恣遊眺

冬夜醉宿龍門覺起言志

醉來脫寶劍旅憇高堂眠中夜忽驚覺起立明燈前開
軒聊直望曉雪河水壯哀哀歌苦寒鬱鬱獨惆悵傳說
版築臣李斯鷹夫人歛起匡社稷寧復長艱辛而我胡
為者歎息龍門下富貴未可期殷憂向誰寫去去淚滿
襟舉聲梁甫吟青雲當自致何必求知音

聽蜀僧濬彈琴

蜀僧抱綠綺西下蛾眉峰為我一揮手如聽萬壑松客
心洗流水餘響入霜鐘不覺碧山暮秋雲暗幾重

金陵聽韓侍御吹笛

韓公吹玉笛惆儻流英音風吹繞鍾山萬壑皆龍吟王
子停鳳管師襄掩瑤琴餘韻波江去天涯安可尋

詠鄰女東牕海石榴

魯女東牕下海榴世所稀珊瑚映綠水未足比光輝清
香隨風發落日好鳥歸願為東南枝低舉拂羅衣無由

共攀折引領望金扉

贈黃山胡公求白鵬

聞黃山胡公有雙白鵬蓋是家雞所伏自小馴狎
子無驚猜以其名呼之皆就掌取食然此鳥耿介
尤難畜之余平生酷好竟莫能致而胡公輟贈於
我唯求一詩聞之欣然適會宿意因援筆三叫文
不加點以贈之

請以雙白壁買君雙白鵬白鵬白如錦白雪耻容顏照

影玉潭裏刷毛琪樹間夜棲寒月靜朝步落花閒我願
得此鳥翫之坐碧山胡公能輟贈籠寄野人還西清詩話云李

太白詩逸態凌雲映照千載然時
作齊梁間人體段畧不近渾厚

唐詩品彙卷六

欽定四庫全書

唐詩品彙卷七

明 高棟 編

五言古詩七

大家一

杜甫 上

唐史本傳云唐興詩人承陳隋風流浮靡相沿至沈宋等研攷律詩競相沿襲逮開元間稍裁雅正然而人得一槩皆自名所長甫乃渾涵汪洋千彙萬狀兼古今而有之又善陳時事律切

精深至千言不少袁世號詩史太原王琪云
子美博聞稽古其用事非老儒博士罕知其自
出又曰子美詩詞有近質者所謂轉石於千仞
之山勢也學者元效之其過甚王介甫後集
序云予考古之詩元愛杜甫氏作者其詞所從
出一莫知窮極而病未能學者每出一篇出自然
人知非人之所能為而為之者惟其甫也輒能
辨之世之學者至乎甫而後為詩不能至要之
不知詩焉爾嗚呼詩其難唯有甫哉黃山谷
大雅堂記云子美詩妙處乃在於無意為文而
意已獨至非廣之以國風雅頌深之以離騷九
歌安能咀嚙其意味闐然入其門邪彼寄興於
所遇林泉人物草木蟲魚以爲物物皆有所托
如世間商度隱語者則子美之詩委地矣
夢弼云少陵先生博極羣書馳騁今古周行萬
里觀覽謳謠發爲歌詩奮乎國風雅頌不作之

後此興相作哀樂交貫倫揚叙述妙達乎真機
美刺箴規皆具乎象體自唐迄今為詩學之宗
師家傳而人誦之秦少游云蘇武李陵長於
高妙曹植劉公幹長於豪逸陶潛阮籍長於冲
澹謝靈運鮑照長於俊潔徐陵史信長於藻麗
若子美者窮高妙之格極豪逸之氣已冲澹之
趣兼俊潔之姿備藻麗之態而諸家之所不及
也嚴滄浪云少陵詩憲章漢魏而取材於六
朝至其自得之妙則先輩所謂集大成者也又
曰少陵詩如節制之師劉須溪云古今窮詩
人稱子美郊島郊島以其命而子美以其時或
曰時與命不同也曰不同使郊島生開元天寶
間計亦豈能鳴國家之盛而寒酸寂寞顧尤工詩
以老則繇其賦分言之亦不為不幸也若子美在
開元則及見麗人及八仙在乾元則扈從還京
歸鞭左振其間惟陷鄜數月後求流落田園乾

柳亦與杜曲無異若石壕新安之賄記彭衙之
栢之崎嶇則意者造物托之子美以鳴人間之
不平而又適有能言者載而傳之萬年足豈不
亦有數哉不然生開元天寶間有是作否故曰
時也非命也蜀郡虞集云杜公之詩冲達渾
厚上薄風雅下凌沈宋每篇之中有句法章法
截乎不可紊至於以正為變以變為正妙用無
方如行雲流水初無定質出於精微奪乎天造
是大難以形器求矣公之忠憤激切愛君憂國
之心一繫於詩故常因是而為之說曰三百篇
經也杜詩史也詩史之名指事實耳不與經對
言也然風雅絕響之後唯杜公得之則史而能
經也學工部則無往而不在也

前出塞九首

乾元間公在秦州
思天寶時事而作

戚戚去故里悠悠赴交河公家有程期亡命嬰禍羅君
已富土境開邊一何多棄絕父母恩吞聲行負歌

出門日已遠不受徒旅欺

劉云如親歷甘苦極征行孤往之意人所不能自道詩必

如此序情憫勞骨肉恩斷男兒死無時走馬脫轡頭
之際其庶幾乎手中桃青絲提下萬仞岡俯身試拳槌

磨刀嗚咽水水赤刀傷手欲輕斷腸聲心緒亂已久丈
夫誓許國憤惋復何有功名圖麒麟戰骨當速朽

送徒既有長遠戍亦有身生死向前去不勞吏怒嗔路

逢相識人附書與六親哀哉兩決絕不復同苦辛

迢迢萬餘里領我赴三軍軍中異苦樂主將寧盡聞

劉云

眼前語意中事通透自別亦極哀怨之體所以可傳隔河見胡騎倏忽數百羣我

始為奴僕幾時樹功勲

挽弓當挽強用箭當用長射人先射馬擒賊先擒王殺

人亦有限立國自有疆苟能制侵凌豈在多殺傷

劉云此其

自負經濟者軍中常有此人

驅馬天雨雪軍行入高山徑危抱寒石指落層冰間已

去漢月遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜

其名王歸繫頸授轅門潛身備行列一勝何足論

劉云
十載

不死墮
淚未乾

從軍十年餘能無分寸功衆人貴苟得欲語羞雷同

劉云

乃併與軍中妬忌者之意得之必不可少者中原有閭爭況在狄與戎丈夫

四方志安可辭固窮

後出塞五首

范德機云前後出塞皆傑作有古樂府之聲而理勝

男兒生世間及壯當封侯戰伐有功業安能守舊丘召
募赴薊門軍動不可留千金買馬鞍百金裝刀頭閭里
送我行親戚擁道周斑白居易上列酒酣進庶羞少年別
有贈含笑看吳鉤

朝進東門營暮上河陽橋落日照大旗馬鳴風蕭蕭

劉雲

復欲一語似此平沙列萬幕部伍各見招中天懸明月

始千古不可得令嚴夜寂寥悲笳數聲動壯士慘不驕借問大將誰恐

是霍嫖姚

劉云此詩之妙
可以招魂復起

古人重守邊今人重高勲

劉云此義亦人所未及也

豈知英雄王出

師亘長雲六合已一家四夷且孤軍遂使貔虎士奮身
勇所聞拔劍擊大荒日收胡馬羣誓開玄冥北特以奉
吾君

獻凱日繼踵兩藩靜無虞漁陽豪俠地擊鼓吹笙竽雲
帆轉遼海粳稻來東吳越羅與楚練照耀興臺軀主將
位益崇氣驕凌上都邊人不敢議議者死路衢

我本良家子出師亦多門將驕益愁思身貴不足論躍

馬二十年恐辜明主恩坐見幽州騎長驅河洛昏中夜

間道歸故里但空村惡名幸脫免窮老無兒孫

東坡志林云咏

此詩蓋祿山反時其將校有脫身歸國者而賊殺其妻子不知其姓名為可恨也劉云馮至退軍人則無餘矣

夏日歎

夏日出東北陵天經中街朱光徹厚地鬱蒸何由開上
蒼久無雷無乃號令乖雨降不濡物良田起黃埃飛鳥
苦熱死池魚涸其涯萬人尚流冗舉目唯蒿萊至今大

河北盡作虎與豺浩蕩想幽薊王師安在哉對食不能
餐我心殊未諧眇然貞觀初難與數子偕

夏夜歎

永日不可暮炎蒸毒我腸安得萬里風飄飄吹我裳昊
天出明月茂林延疎光仲夏苦夜短開軒納微涼虛明
見纖毫羽蟲亦飛揚物情無巨細自適固其常念彼荷
戈士窮年守邊疆何由一洗濯執熱互相望竟夕擊刀
斗喧聲連萬方青紫雖被體不如早還鄉北城悲笳發

鶴鶴號且翔況復煩促倦激烈思時康

潼關吏

士卒何草草築城潼關道大城鐵不如小城萬丈餘借
問潼關吏修關還備胡要我下馬行為我指山隅連雲
列戰格飛鳥不能踰胡來但自守豈復憂西都丈人視
要處窄狹容單車艱難奮長戰千古用一夫哀哉桃林
戰百萬化為魚請囑防關將慎忽學哥舒王深父云此詩蓋刺非其人則舉關以棄之得其人雖舊險亦足恃孟子所謂地利不如人和也

新安吏

公自注云收京後作雖收兩京賊猶充斥師古云自新安吏至無家別蓋紀

當時九節度鄴師之敗朝廷調諸郡兵並急矣

客行新安道喧呼聞點兵借問新安吏縣小更無丁府
帖昨夜下次選中男行中男絕短小何以守王城肥兒
有母送瘦男獨伶俜白水暮東流青山猶哭聲莫自使
眼枯收汝淚縱橫眼枯却見骨天地終無情我軍收相
州日夕望其平豈意賊難料歸軍星散營就糧近故壘
練卒依舊京掘壕不到水牧馬役亦輕況乃王師順撫

養甚分明送行勿泣血僕射如父兄

王深父云此篇哀出兵之役夫古者

遣將有推轂分閫之命今棄師於敵也虐至於無告如詩之所感其君臣豈不可刺哉然子儀猶寬度得衆故

卒美焉

范云天地無情而僕射如父兄當時人心可知朝廷之大體可悲矣

石壕吏

暮投石壕村有吏夜捉人老翁踰牆走老婦出門看吏
呼一何怒婦啼一何苦聽婦前致詞三男鄴城戍一男
附書至二男新戰死存者且偷生死者長已矣室中更
無人唯有乳下孫孫有母未去出入無完裙老嫗力雖

衰請從吏夜歸急應河陽役猶得備晨炊夜久語聲絕
如聞泣幽咽天明登前途獨與老翁別

王深父云驅民之丁壯盡置死

地而猶急其老弱雖秦為閭左之戍不甚也嗚呼其時急矣哉

新婚別

兔絲附蓬麻引蔓故不長嫁女與征夫不如棄路傍結
髮為妻子席不煖君牀暮婚晨告別無乃大匆忙君行
雖不遠守邊赴河陽妾身未分明何以拜姑嫜父母養
我時日夜令我藏生女有所歸鷄狗亦得將君今往死

地沈痛迫中腸誓欲隨君去形勢反蒼黃勿為新婚念

努力事戎行婦人在軍中兵氣恐不揚

范云顛沛流離之際猶有若是

婦人為人臣而不知春秋之義者何心哉自嗟貧家女久致羅襦裳羅襦不

復施對君洗紅粧仰視百鳥飛大小必雙翔人事多錯

迂與君永相望

劉云曲折詳至縷縷凡七轉微顯條達王深父云先王之政有新婚者期不

從政出於刑名則一切便事而已此詩所怨盡其常分而能不忘禮義余是以錄之

垂老別

四郊未寧靜垂老不得安子孫陳亡盡焉用身獨完投

杖出門去同行為辛酸幸有牙齒存所悲骨髓乾男兒
既介冑長揖別上官老妻臥路啼歲暮衣裳單孰知是
死別且復傷其寒此去必不歸還聞勸加餐土門壁甚
堅杏園度亦難勢異鄴城下縱死時有寬人生有離合
豈擇哀盛端憶昔少壯日遲迴竟長歎萬國盡征戍烽
火被岡巒積死草木腥流血川原丹何鄉為樂土安敢
尚盤桓棄絕蓬室居塌然摧肺肝

王深父云軍興之際
至於老者亦介冑則

有甚於閭
左之戍矣

欽定四庫全書

唐詩品彙
卷七

九

無家別

寂寞天寶後園廬但蒿藜我里百餘家世亂各東西存
者無消息死者為塵泥賤子因陳敗歸來尋舊蹊久行

見空巷

一作室

日瘦氣慘悽

劉云經歷多矣無如此語之在目前者

但對狐

與狸豎毛怒我啼四鄰何所有一二老寡妻宿鳥戀本
枝安辭且窮棲方春獨荷鋤日暮還灌畦縣吏知我至
召令習鼓鼙雖從本州役內顧無所攜近行止一身遠
去終轉迷家鄉既盪盡遠近理亦齊

劉云寫至此亦無復餘恨此其所以

泣鬼神也永痛長病母五年委溝溪生我不得力終身兩酸

嘶人生無家別何以為蒸黎王深父云先王子惠困窮

所忍則天下無敗亂之兆矣噫此詩何為而作乎

留花門

黃鶴云時用吐蕃回紇諸兵收長安葉護奏以軍中馬少請留其兵於沙苑自

歸取馬還為掃除范陽餘孽花門山名指回紇也公逆知其害故作此

北門天驕子飽肉氣勇決高秋馬肥健挾矢射漢月自

古以為忠詩人厭薄伐修德使其來羈縻固不絕胡為

傾國至出入暗金闕中原有驅除隱忍用此物公主歌

欽定四庫全書

唐詩品彙
卷七

十

范云此中國何如時也讀此者可以

黃州志三才

鑒春秋書會戎盟戎之義矣謂子美

詩為詩史連雲屯左輔百里見積雪長戟鳥休飛哀笳

可不信哉

曉幽咽田家最恐懼麥倒桑柘折沙苑臨清渭泉香草豐
潔渡河不用船千騎常檄烈胡塵踰太行雜種抵京室
花門既須留原野轉蕭瑟

發秦州

乾元二年冬自秦州如同谷至成都紀
行所作也崔德符曰昔韓子蒼嘗論

此詩筆力變化

當與太史公諸贊方駕學者宜
常諷誦之朱子語錄云杜詩初年甚精細晚

年曠逸不可當如自秦州入蜀
諸詩分明如畫乃其少時作也

我衰更懶拙生意不自謀無食問樂土無衣思南州漢
源十月交天氣涼如秋草木未黃落况聞山水幽栗亭
名更佳下有良田疇充腸多著韻崖蜜亦易求密竹復
冬笋清池可方舟雖傷旅寓遠庶遂平生遊此邦俯要
衝實恐人事稠應接非本性登臨未銷憂谿谷無異石
塞田始微收豈復慰老夫惘然難久留日色隱孤戍烏
啼滿城頭中宵驅車去飲馬寒塘流磊落星月高蒼茫
雲霧浮大哉乾坤內吾道長悠悠

赤谷

赤谷有亭當是
在秦州近境

天寒霜雪繁遊子有所之
豈但歲月暮重來未有期
晨發赤谷亭險艱方自茲
亂石無改轍我車已載脂
山深苦多風落日重稚飢
悄然村墟迴煙火何由追
貧病轉零落故鄉不可思
常恐死道路永為高人嗤

鐵堂峽

山風吹遊子縹緲乘險絕
峽形藏堂隍壁色立積缺
徑摩穹蒼蟠石與厚地裂
修纖無限竹嵌空太始雪
威遲

良壑底徒旅慘不悅水寒長氷橫我馬骨正折生涯抵
孤天盜賊殊未滅飄蓬踰三年迴首肝肺熱

寒峽

行邁日悄悄山谷勢多端雲門轉絕岸積阻霾天寒寒
峽不可度我實衣裳單況當仲冬交沂泐增波瀾野人
尋煙語行子傍水餐此生免荷父未敢辭路難

劉云恐傷忠厚

得詩人
之正

法鏡寺

身危適他州強免終勞苦神傷山行深愁破崖寺古嬋
娟碧蘚淨蕭槭寒穉聚洄洄山根水冉冉松上雨洩雲
蒙清晨初日翳復吐朱薨半光炯戶牖粲可數拄策忘
前期出蘿已亭午冥冥子規叫微徑不復取

青陽峽

塞外苦厭山南行道彌惡岡巒相經亘雲水氣參錯林
迴峽角來天窄壁面削谿西五里石奮怒向我落仰看日
車側俯恐坤軸弱魑魅嘯有風霜霰浩漠漠昨憶踰隴

阪高秋視吳岳東咲蓮花卑北知崆峒薄超然倅壯觀
已謂殷晉隱寥廓突兀猶趁人謂前險已盡至此及茲歎
冥冥

石龕

熊羆咆我東虎豹號我西我後鬼長嘯我前猱又啼天
寒昏無日山遠道路迷驅車石龕下仲冬見虹霓伐竹
者誰子悲歌上雲梯為官采美箭五歲供梁齊苦云直
簞盡無以充提攜柰何漁陽騎颯颯驚蒸黎

積草嶺

同谷界

連峰積長陰白日遞隱見颼颼林響交慘慘石狀變山
分積草嶺路異明水縣旅泊吾道窮衰年歲時倦卜居
尚百里休駕投諸彥邑有佳主人情如已會面來書語
絕妙遠客驚深眷食廩不顧餘茅茨眼中見劉云相去尚百里想
像如見願休馬息馬之志也

鳳凰臺

成州有鳳凰山即秦弄玉蕭史吹簫之地

亭亭鳳凰臺北對西康州西伯今寂寞鳳聲亦悠悠山

峻路絕蹤石林氣高浮安得萬丈梯為君上上頭恐有
無母雛飢寒日啾啾我能剖心血飲啄慰孤愁心以當
竹實炯然忘外求血以當醴泉豈徒比清流所重王者
瑞敢辭微命休坐看綵翮長舉意八極周自天銜瑞圖
飛下十二樓圖以奉至尊鳳以垂鴻猷再光中興業一
洗蒼生憂深衷正為此羣盜何淹留

劉云鵲至不厭

萬丈潭

蔡夢弼云同谷縣有鳳凰潭一名萬丈潭

青谿合冥冥神物有顯晦

劉云便合改視

龍依積水蟠窟壓萬

丈內跼步凌垠堦側身下煙靄前臨洪濤寬却立蒼石
大山巖一徑盡岸絕兩壁對削成根虛無倒影垂澹瀕
從對黑知灣深底清見光炯碎孤雲倒來深飛鳥不在
外高蘿成帷幄寒水疊旌旆遠川曲通流嵌竇潛洩瀨
造幽無人境發興自我輩告歸遺恨多將老斯遊最閉
藏脩鱗蟄出入巨石礙

劉云造
意語

何事炎天過快意風雲

會

發同谷縣

乾元二年十一月一
日自隴右赴劔南

賢有不黔突聖有不暖席况我下愚人焉能尚安宅始
來茲山中休駕喜地僻柰何迫物累一歲四行役忡忡
去絕境杳杳更遠適停驂龍潭雲迴首虎崖石臨岐別
數子握手淚再滴交情無舊深窮老多慘戚平生嬾拙
意偶值栖遁跡去住與願違仰慙林間翮

木皮嶺

首路栗亭西尚想鳳凰村季冬攜童稚辛苦赴蜀門南
登木皮嶺艱險不易論汗流被我體祁寒為之喧遠岫

爭輔佐千巖自崩奔始知五岳外別有他山尊仰千塞
大明俯入裂厚坤再聞虎豹闢屢跼風水昏高有廢閣
道摧折如短轅下有冬青林石上走長根西崖特秀發
煥若靈芝繁潤聚金碧烝清無沙土痕憶觀昆崙圖目
擊玄圃存對此欲何適默傷垂老魂

白沙渡

畏途隨長江渡口下絕岸差池上舟楫杳窅入雲漢天
寒荒野外日暮中流半我馬向北嘶山猿飲相喚水清

石礪礪沙白灘漫漫迴然洗愁辛多病一踈散高壁抵
巖釜洪濤越凌亂臨風獨回首攬轡復三歎

水會渡

山行有常程中夜尚未安微月沒已久崖側路何難大
江動我前洶若溟渤寬篙師暗理楫歌咲輕波瀾霜濃
木石滑風急手足寒入舟已千憂陟巘仍萬盤回眺積
水外始知衆星乾

劉云窮而不溢

遠遊令人瘦衰疾慙加餐

飛仙閣

華陽國志諸葛亮鑿石架空為飛梁閣道

土門山行窄微徑緣秋毫棧雲闌干峻梯石結構牢萬
壑歌踈林積陰帶奔濤寒日外澹泊長風中怒號歇
鞍在地底始覺所歷高往來雜坐臥人馬同疲勞浮生
有定分饑飽豈可逃歎息謂妻子我何隨汝曹

五盤

謂棧道盤屈有五重

五盤雖云險山色佳有餘仰凌棧道細俯映江水踈地
僻無網罟水清反多魚好鳥不忘飛野人半巢居喜見
淳朴俗坦然心神舒東郊尚格鬪巨猾何時除故鄉有

弟妹流落隨丘墟成都萬事好豈若歸吾廬

石櫺閣

季冬日已長山晚半天赤蜀道多草花江間饒奇石
石櫺層波上臨虛蕩高壁清暉迴羣鷗暝色帶遠客

唐子西語

錄云江間饒奇石未為極勝
到暝色帶遠客則不可及也
羈栖負幽意感歎向絕跡

信甘孱懦嬰不獨凍餒迫優游謝康樂放浪陶彭澤吾
衰未自由謝邇性有適

桔栢渡

桔居眉切

青冥寒江渡駕竹為長橋竿濕煙漠漠江永風蕭蕭連
竿動嫋娜征衣颯颯急流鵝鷄散絕岸鼉鼉驕西轅
自茲異東逝余可要高通荆門路濶會滄海孤光隱
顧眄遊子恨寂寥無以洗心胷前登但山椒

劍門

地里志劍州劍門縣有梁山亦名大劍山自蜀出漢中道一由此故以名

唯天有適險劍門天下壯連山抱西南石角皆北向兩
崖崇墉倚刻畫城郭狀一夫怒臨關百萬未可傍珠玉
走中原岷峨氣淒愴三皇五帝前雞犬莫相放後王尚

柔遠職貢道已喪至今英雄人高視見霸王并吞與割
據極力不相讓吾將罪真宰意欲鏹疊嶂恐此復偶然
臨風默惆悵

劉云歎地險而惡負固者又云散文有所不能及也

鹿頭山

唐志漢州德陽縣有鹿頭山高崇文檣劉關處又有鹿頭關

鹿頭何亭亭是日慰飢渴連山西南斷俯見千里豁游
子出京華劍門不可越及茲險阻盡始喜原野濶殊方
昔三分霸氣曾間發天下今一家雲端失雙闕悠然想
揚馬繼起名碑凡有文令人傷何處埋爾骨紆餘脂膏

地慘澹豪俠窟仗鉞非老臣宣風豈專達

僕射冀國公裴

冕時為劍柱石姿論道邦國活斯人亦何幸公鎮踰歲

月

成都府

翳翳桑榆日照我征衣裳

劉云有何深意到處自然

我行山川異忽

在天一方但逢新人民未卜見故鄉大江東流去游子
去日長層城填華屋季冬樹木蒼喧然名都會吹簫間
笙簧信美無與適側身望川梁鳥雀夜各歸中原杳茫

茫劉云憤怨悲感天初月出不高衆星尚爭光劉云語

注者屑屑自古有羈旅我何苦哀傷

唐詩品彙卷七